



Broj: 01-50-1-15-19/24

Sarajevo, 3. 7. 2024.

DOM NARODA
PARLAMENTARNE SKUPŠTINE
BOSNE I HERCEGOVINE



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 05-07-2024			
Organizaciona jedinica	Klasifikaciona oznaka	Redni broj	Broj prijema

Predmet: O b a v j e š t e n j e

Predstavnički dom Parlamentarne skupštine BiH je na 19. sjednici, održanoj 20. 6. i 3. 7. 2024, razmatrao sljedeće tačke dnevnog reda:

1. Inicijativa za rekonstrukciju Vijeća ministara BiH – smjenu ministra sigurnosti u Vijeću ministara BiH Nenada Nešića, predlagač: poslanici Kluba SDA: Šerif Špago, Edin Ramić, Safet Kešo, Amor Mašović, Denijal Tulumović, Nermin Mandra, Šemsudin Dedić i Midhat Čaušević, broj: 01-50-1-1037/24 od 24. 5. 2024;
2. Prijedlog amandmana II. na Ustav Bosne i Hercegovine, predlagač: poslanici iz Kluba DF-a: Milan Dunović, Zlatan Begić i Vlatko Glavaš, broj: 01-01-1019/24 od 21. 5. 2024. s mišljenjem Ustavnopravne komisije;
3. Prijedlog zakona o dopunama Krivičnog zakona Bosne i Hercegovine, predlagač: poslanik Nihad Omerović, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-1166/24 od 13. 6. 2024;
4. Prijedlog zakona o dopunama Zakona o odbrani Bosne i Hercegovine, predlagač: Dom naroda Parlamentarne skupštine BiH, broj: 01-02-1-2736/23 od 6. 2. 2024, s mišljenjima Ustavnopravne komisije i Zajedničke komisije za odbranu i sigurnost BiH;
5. Prijedlog zakona o dopunama Zakona o administrativnim taksama, predlagač: Vijeće ministara BiH, broj: 01,02-02-1-929/24 od 10. 5. 2024. (prvo čitanje);
6. Prijedlog dopune Poslovnika Predstavničkog doma Parlamentarne skupštine BiH, predlagač: poslanica Ermina Salkičević-Dizdarević, broj: 03/3-02-4-906/24, veza: 01-50-2-13-40/24 od 28. 5. 2024. (prvo čitanje);
7. Izvještaj komisije Kolegija o nastojanju za postizanje saglasnosti o Zahtjevu poslanika Kluba SDA: Amora Mašovića, Safeta Keše, Denijala Tulumovića, Šemsudina Dedića, Edina Ramića, Nermina Mandre, Midhata Čauševića i Šerifa Špage za razmatranje Prijedloga zakona o dopuni Izbornog zakona Bosne i Hercegovine po hitnom postupku, u skladu s članom 133. Poslovnika, broj: 01-02-1-709/24 od 27. 5. 2024;
8. Izvještaj komisije Kolegija o nastojanju za postizanje saglasnosti o Zahtjevu poslanika Šemsudina Mehmedovića za razmatranje Prijedloga zakona o dopuni Izbornog zakona Bosne i Hercegovine po hitnom postupku, u skladu s članom 133. Poslovnika, broj: 01-02-1-749/24 od 27. 5. 2024;

9. Izvještaj komisije Kolegija o nastojanju za postizanje saglasnosti o prijedlogu da se Prijedlog zakona o dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine razmatra po skraćenom postupku, broj: 01,02-02-1-649/24 od 27. 5. 2024;
10. Izvještaj komisije Kolegija o nastojanju za postizanje saglasnosti o Izvještaju o radu Pravobranilaštva BiH za 2023. godinu, broj: 01,02-50-18-694/24 od 27. 5. 2024;
11. Izvještaj komisije Kolegija o nastojanju za postizanje saglasnosti o poslaničkoj inicijativi Denisa Zvizdića kojom Predstavnički dom Parlamentarne skupštine BiH inicira da Vijeće ministara BiH pristupi izradi Akcionog plana za realizaciju prioriteta 4.g) iz Mišljenja Evropske komisije, koji glasi: „Temeljno unaprijediti institucionalni okvir, uključujući i na ustavnom nivou, kako bi se osiguralo da su svi organi uprave zaduženi za provođenje acquisa zasnovani isključivo na profesionalizmu i da se ukloni pravo veta u procesu donošenja odluka, u skladu sa acquisem“, broj: 01-50-1-808/24 od 27. 5. 2024;
12. Godišnji izvještaj Visokog sudskog i tužilačkog vijeća BiH za 2023. godinu, broj: 01,02-50-18-936/24 od 13. 5. 2024;
13. Izvještaj o provedenoj reviziji učinka o temi: „Nabavka aviokarata u institucijama Bosne i Hercegovine“, podnosilac: Ured za reviziju institucija BiH, broj: 01-16-10-1102/24 od 3. 6. 2024;
14. Informacija o stanju u oblasti migracija u Bosni i Hercegovini za 2023. godinu, podnosilac: Ministarstvo sigurnosti BiH, broj: 01-50-18-851/24 od 25. 4. 2024;
15. Informacija o raspodjeli i korištenju sredstava tekuće budžetske rezerve za 2023. godinu, podnosilac: Ministarstvo finansija i trezora BiH, broj: 01,02-16-1-1094/24 od 30. 5. 2024;
16. Prijedlog odluke o razrješenju sekretara Predstavničkog doma Parlamentarne skupštine BiH, broj: 01-34-7-1065/24 od 7. 6. 2024;
17. Davanje saglasnosti za ratifikaciju Sporazuma o finansiranju za Interreg VI-B IPA Jadransko-jonskog programa (ADRION) za period 2021-2027. godina, između Evropske unije, koju predstavlja Evropska komisija, i Bosne i Hercegovine, koju predstavlja Direkcija za evropske integracije Vijeća ministara BiH, i Republike Italije, koju predstavlja regija Emilija-Romanja, broj: 01,02-21-1-1103/24 od 3. 6. 2024;
18. Davanje saglasnosti za ratifikaciju Amandmana br. 3 na Ugovor o finansiranju sklopljen između Bosne i Hercegovine (zajmoprimac), Republike Srpske i Evropske investicione banke (banka) 27. 12. 2016. u Sarajevu i 29. 12. 2016. u Luksemburgu i Banjoj Luci, te izmijenjen 2. 12. 2019. i 30. 6. 2022. (ugovor o finansiranju), (FI BR. 31.526 – SERAPIS BR. 2010-0049) – Bolnice u RS/B, broj: 01,02-21-1-1125/24 od 10. 6. 2024.

Ad. 1.

Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti će **naknadno usaglašavanje** o Inicijativi za rekonstrukciju Vijeća ministara BiH – smjenu ministra sigurnosti u Vijeću ministara BiH Nenada Nešića, predlagatelj: poslanici Kluba SDA: Šerif Špago, Edin Ramić, Safet Kešo, Amor Mašović, Denijal Tulumović, Nermin Mandra, Šemsudin Dedić i Midhat Čaušević.

Ad. 2.

Predstavnički dom **nije prihvatio** Mišljenje Ustavnopravne komisije o Prijedlogu amandmana II. na Ustav Bosne i Hercegovine, predlagač: poslanici iz Kluba DF-a: Milan Dunović, Zlatan Begić i Vlatko Glavaš. Komisija se zadužuje da sačini novo mišljenje, u skladu s članom 113. stav (3) Poslovnika.

Ad. 3.

Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti će **naknadno usaglašavanje** o zahtjevu poslanika Nihada Omerovića za razmatranje Prijedloga zakona o dopunama Krivičnog zakona Bosne i Hercegovine po hitnom postupku, u skladu s članom 133. Poslovnika.

Ad. 4.

Predstavnički dom **prihvatio je** Mišljenje Ustavnopravne komisije o Prijedlogu zakona o dopunama Zakona o odbrani Bosne i Hercegovine, predlagač: Dom naroda Parlamentarne skupštine BiH, čime je navedeni prijedlog zakona **odbijen**, u skladu s članom 113. stav (2) Poslovnika.

Ad. 5.

Predstavnički dom **usvojio je u prvom čitanju** Prijedlog zakona o dopunama Zakona o administrativnim taksama, predlagač: Vijeće ministara BiH.

Ad. 6.

Predstavnički dom **usvojio je u prvom čitanju** Prijedlog dopune Poslovnika Predstavničkog doma Parlamentarne skupštine BiH, predlagač: poslanica Ermina Salkićević-Dizdarević.

Ad. 7.

Predstavnički dom, u drugom krugu glasanja, **nije prihvatio** zahtjev poslanika Kluba SDA: Amora Mašovića, Safeta Keše, Denijala Tulumovića, Šemsudina Dedića, Edina Ramića, Nermina Mandre, Midhata Čauševića i Šerifa Špage za razmatranje Prijedloga zakona o dopuni Izbornog zakona Bosne i Hercegovine po hitnom postupku, u skladu s članom 133. Poslovnika. Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti će **naknadno usaglašavanje** o prijedlogu da se Prijedlog zakona o dopuni Izbornog zakona Bosne i Hercegovine, predlagač: poslanici Kluba SDA: Amor Mašović, Safet

Kešo, Denijal Tulumović, Šemsudin Dedić, Edin Ramić, Nermin Mandra, Midhat Čaušević i Šerif Špago, razmatra po skraćenom postupku.

Ad. 8.

Predstavnički dom, u drugom krugu glasanja, **nije prihvatio** zahtjev poslanika Šemsudina Mehmedovića za razmatranje Prijedloga zakona o dopuni Izbornog zakona Bosne i Hercegovine po hitnom postupku, u skladu s članom 133. Poslovnika.

Predstavnički dom nije prihvatio ni prijedlog da se Prijedlog zakona o dopuni Izbornog zakona Bosne i Hercegovine razmatra po skraćenom postupku, te će se navedeni Prijedlog zakona razmatrati po **redovnom zakonodavnom postupku**.

Ad. 9.

Predstavnički dom, u drugom krugu glasanja, **prihvatio je** prijedlog da se Prijedlog zakona o dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine razmatra po skraćenom postupku.

Ad. 10.

Predstavnički dom, u drugom krugu glasanja, **usvojio je** Izvještaj o radu Pravobranilaštva BiH za 2023. godinu.

Ad. 11.

Predstavnički dom, u drugom krugu glasanja, **nije usvojio** poslaničku inicijativu Denisa Zvizdića kojom Predstavnički dom Parlamentarne skupštine BiH inicira da Vijeće ministara BiH pristupi izradi Akcionog plana za realizaciju prioriteta 4.g) iz Mišljenja Evropske komisije, koji glasi: „Temeljno unaprijediti institucionalni okvir, uključujući i na ustavnom nivou, kako bi se osiguralo da su svi organi uprave zaduženi za provođenje *acquisa* zasnovani isključivo na profesionalizmu i da se ukloni pravo veta u procesu donošenja odluka, u skladu sa *acquisem*.“

Ad. 12.

Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti će **naknadno usaglašavanje** o prijedlogu zaključka poslanika Šerifa Špage povodom rasprave o Godišnjem izvještaju Visokog sudskeg i tužilačkog vijeća BiH za 2023, koji glasi: „Predstavnički dom Parlamentarne skupštine Bosne i Hercegovine zadužuje Visoko

sudsko i tužilačko vijeće Bosne i Hercegovine da u što kraćem roku razmotri nacionalnu strukturu rukovodilaca pravosudnih funkcija u Hercegovačko-neretvanskom kantonu i uskladi je s odgovarajućim odredbama Ustava Federacije Bosne i Hercegovine.“

Također, Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti će **naknadno usaglašavanje** o Godišnjem izvještaju Visokog sudskog i tužilačkog vijeća BiH za 2023.

Ad. 13.

Predstavnički dom, na prijedlog poslanika Saše Magazinovića, povodom rasprave o Izvještaju o provedenoj reviziji učinka o temi: „Nabavka avioarakata u institucijama Bosne i Hercegovine“, **usvojio je** zaključak koji glasi: „Predstavnički dom Parlamentarne skupštine Bosne i Hercegovine zadužuje Agenciju za javne nabavke Bosne i Hercegovine da izradi i dostavi Vijeću ministara Bosne i Hercegovine izmjene i dopune Zakona o javnim nabavkama Bosne i Hercegovine u kontekstu rješavanja problema nabavke avioarakata u institucijama Bosne i Hercegovine. Rok za realizaciju ovog zaključka je 30 dana.“

Predstavnički dom **usvojio je** Izvještaj o provedenoj reviziji učinka o temi: „Nabavka avioarakata u institucijama Bosne i Hercegovine“.

Ad. 14.

Informacija o stanju u oblasti migracija u Bosni i Hercegovini za 2023. godinu, podnosilac: Ministarstvo sigurnosti BiH, **primljena je k znanju**.

Ad. 15.

Predstavnički dom, na prijedlog poslanice Rejhane Dervišević, povodom rasprave o Informaciji o raspodjeli i korištenju sredstava tekuće budžetske rezerve za 2023. godinu, **usvojio je** zaključak koji glasi: „Predstavnički dom Parlamentarne skupštine Bosne i Hercegovine poziva Vijeće ministara Bosne i Hercegovine da obavi raspravu i usvoji mjere kako bi bila unaprijeđena transparentnost dodjele sredstava iz budžetske rezerve.“

Informacija o raspodjeli i korištenju sredstava tekuće budžetske rezerve za 2023. godinu, podnosilac: Ministarstvo finansija i trezora BiH, **primljena je k znanju**.

Ad. 16.

Predstavnički dom **usvojio je** Odluku o razrješenju sekretara Predstavničkog doma Parlamentarne skupštine BiH.

Ad. 17.

Predstavnički dom **dao je saglasnost za ratifikaciju** Sporazuma o finansiranju za Interreg VI-B IPA Jadransko-jonskog programa (ADRION) za period 2021-2027, između Evropske unije, koju predstavlja Evropska komisija, i Bosne i Hercegovine, koju predstavlja Direkcija za evropske integracije Vijeća ministara BiH, i Republike Italije, koju predstavlja regija Emilija-Romanja.

Ad. 18.

Kolegij Predstavničkog doma kao komisija, zbog nedostatka entitetske većine u prvom krugu glasanja, obaviti će **naknadno usaglašavanje** o prijedlogu zaključka poslanika Nihada Omerovića, koji glasi: „Predstavnički dom Parlamentarne skupštine zadužuje Vijeće ministara da u postupku realizacije Ugovora o finansiranju između Bosne i Hercegovine, Republike Srpske i Evropske investicione banke, Ugovor o finansiranju FI BR. 31.526 – SERAPIS BR. 2010-0049, Bolnice u RS/B, broj: 01,02-21-1-1125/24 od 10. 06. 2024, u svim procedurama i postupcima realizacije predmetnog projekta ne smije biti direktnog niti indirektnog angažmana odgovornih lica a koja su sankcionisana od američke administracije, institucija Evropske unije te administracije Velike Britanije.“

Predstavnički dom **dao je saglasnost za ratifikaciju** Amandmana br. 3 na Ugovor o finansiranju sklopljen između Bosne i Hercegovine (zajmoprimac), Republike Srpske i Evropske investicione banke (banka) 27. 12. 2016. u Sarajevu i 29. 12. 2016. u Luksemburgu i Banjoj Luci, te izmijenjen 2. 12. 2019. i 30. 6. 2022. (ugovor o finansiranju), (FI BR. 31.526 – SERAPIS BR. 2010-0049) – Bolnice u RS/B.

S poštovanjem,

PREDSJEDAVAJUĆI
PREDSTAVNIČKOG DOMA
Nebojša Radmanović